



09718

知足齋文集卷第三

大興

朱珪

石君

墓誌銘

衢州府知府林君墓誌銘

林君穆菴卒之明年其弟明佐迎喪來京師請其同年友朱珪爲之狀且請銘以歸誌其墓珪惟不能爲古文辭懼不足以表吾穆菴而義又不可辭乃以狀屬之家兄竹君而珪誌之君姓林氏諱明倫穆菴其號也先世自漳浦遷廣東之始興傳十世爲君祖先瑋貤贈儒林郎翰林院庶吉士加一級生高品君之父也封儒林郎

知足齋文集卷三

一

翰林院庶吉士加一級君少好學初授左氏傳輒以意首尾聯綴之作數十大篇以觀其文章事跡之終始蓋己有志于爲古文乾隆十二年君年二十有五舉于鄉明年成進士改庶吉士時同年官翰林者建寧朱仕琇業古文君居館中日與之劇礮以爲揚雄韓愈復出不易也居三年仕琇外授去君獨深思古文所以明道不如此求其本乃盡讀宋五子之書而反之孔曾以爲確然獨有得也時其心所可者與之言不則噤然同年安平陳慶升金匱秦朝鈺兩人最心折之而珪好與之辨論穆菴不拒也十七年冬授編修明年記名以御史用秋

奉

命主山東鄉試時仕琇以夏津令充同考官以故所錄文往往有古法十九年夏出知衢州府君之治衢也決然以教化爲必可行以禮一民之吉凶賓祭不得妄有期會衢俗婚則招搖餽于道誇豐嗇相闕喪事以布帛賄弔客梵唄闐鉤歲春秋奔走輶九華媚神求福禳者皆一切厲禁之修正誼書院間則至講堂進諸生而牖之曰士民之倡也太守士之師也士而不學學而諱乎聖賢之志者太守恥之初嶽未信久而翁然曰太守愛我太守賢終其罷去迄今衢之人必曰林太守賢歲

知是齋文集卷三

二

旱君爲文禱于仙霞嶺及所爲石將軍者曰知府有罪旱魃殛我無虐我民己而杲雨郡或有雨雹災則親徧視鄉縣計畝戶上報無漏嗚呼君所爲盡心于教化誠于愛民者歟然君性介而多恥見上官則啞貌不似能吏二十一年冬遂以才力不及奏罷去例降調者當引見其明年秋來京師君舊有咳血疾至則病甚遂卒前卒之日珪往奉其帷視之張目曰死矣命也無他言顧其僕下帷若不忍視予者嗚呼可傷也已明日五更珪當朝別去朝罷趨而往哭之于牀蓋君以夜半死矣君初來時珪夢獨騎而過君至門則聞君死入哭

之君蹶然生瞪目視予珪心惡之是日也珪急獨騎而往吳君視之瞪目如夢翼夜珪手斂君祝之終不瞑嗚呼可哀也矣貧無以治喪發其裝官翰林時弊衣數襲而已守三年乃不增一衣嗚呼若君者可謂廉矣君來時珪固索觀其文許諾未出示予比君死而得盡讀之然後知君之手文幾于道不悖于古也君卒一月而仕琇以改教來京師刻其古文朝鈔爲之傳君淡目而削下多眉鬚廉靜猥潔勇于自任于道未知其所至然其志決不爲僞君之言曰行百里者至則倦焉非歿也志在百里行千里者未至則不止焉非勅也志在千里

然則君所謂有千里之志者惜乎其死也君生于雍正元年癸卯七月十一日卯時卒于乾隆二十二年丁丑十月十五日某時年三十有五娶張恭人生子洛淳淳爲君弟明問後女子一君著有學庸通解讀書邇言古文詩制義若干卷將以某年月日葬于某所銘曰孰強其志而弱其躬嗇于厥年聞道則豐死而克杼視此幽宮

太常寺少卿鄭公墓誌銘

公諱其儲字又梁一字虛齋姓鄭氏荆之石首人其先出漢鄭柱南宋嘉泰間進士冲霄公者卒官江陵葬于

石首其子淑濟公遂家焉世有德鄉里至公考飛雲公  
贈中憲大夫有六子公其次也少爲名諸生年二十七  
舉康熙辛卯鄉試壬辰成進士改庶吉士癸巳授檢討  
辛丑會試充同考官得郟中丞基盧運使見曾等

世宗初元改授戶部山東司郎中絕請謁介然不阿  
夙就理三年擢工科給事中丙午奉

命主四川鄉試請假省親使竣歸及夔聞母袁恭人赴  
明年丁父艱克盡哀禮己酉服闋庚戌授四川松茂道  
參議縣州水壩顧廷璋寧壩楊元石馬壩李重吉等掠  
借穀麻裔眾債張大吏檄公往治之公廉得民饑先發

知星齋文集卷三

四

貸倉穀安行密捕擒其魁至則帖然時方亢旱公虔禱  
齋戒日卓午仰籲忽有雲隱隱心敏益慤少頃雨三日  
歷禱旁縣皆應屢雜跪泥潦中送迎公呼聲載路蓋公  
生平以誠治己其他政類然甲寅奔生母胡恭人喪

今上乾隆戊午擢太常寺少卿庚申轉大理寺卿遷左  
僉都御史明年改順天府府丞丞治京師校士事公刷  
剔浮籍寄姓以端始進每科歲郡試衡文拔才勤勤如  
不及丁卯又轉太常寺少卿己巳致仕歸越五年終于  
家配陳恭人孝謹儉勤生子二家謨家語俱太學生女  
四孫男二謨生永常語生永琳公生于康熙二十四年

乙丑七月十七日辰時卒于乾隆十九年甲戌二月十八日巳時壽七十陳恭人之生後公十日于公之歿年九月三日卒乾隆三十三年某月某日合葬于縣之南鄉彭田岡公官少京兆時歲乙丑珪年十五應府試公首擢之期以國士兄垣筠皆辱公知時冬月公來予家坐廳事先君命予兄弟出謁公大詫曰君柰何凍裂吾狂先君愕然公徐曰此三進士吾三柱也速衣之裘先君笑諾珪自是乃得服羊裘及歲丁亥公歿十四年矣珪司臬楚北明年乃助公葬而銘公藏銘曰  
誠澤民明擇人銘公德礪余身以眎其後昆

孫母張太夫人墓誌銘

知不足齋文集卷三

五

興縣孫文定公立身立言立朝爲名宰相人仰望如天斗地嶽珪嘗一親炙公溫然其易肫然其仁巨儒也其後公歿珪與公仲子廉使孝愉同官于閩讀公遺文拜公之夫人于堂雍雍儉勤然後歎公之修身齊家教澤純厚不愧乎古人也及哭廉使君陽曲之南郊弔太夫人于旅次哀傷之餘神明清穆非中有定主者曷能閱常變而不亂乃知太夫人眞文定公配也越三年太夫人考終于家孤子孝則以行狀來請爲銘不敢辭太夫人姓張氏父彪山西鎮西衛城守備年二十五歸文定

公爲繼室撫元配原太夫人之二女暨側室李太君之子孝懿孝則如所生佐文定公孝于舅侍疾送終哀敬盡禮從宦中外治內政井井教子孝愉必以正當廉使君監司汀漳擒治亂民有功調臺灣道

上念其母老

特旨畱內地卽授閩臬以官犯自裁發軍臺效力

上以文定公暨太夫人故免其役改官部曹未幾擢直隸臬司病卒

上聞之歎息詢問太夫人狀蓋

天子推恩舊輔體臣教孝惟文定公之忠誠協

知是齋文集卷三

六

帝心而太夫人動必以禮盛衰不渝實有敬姜之賢爲不可及也太夫人生于康熙三十六年九月二十一日卒于乾隆三十七年五月六日壽七十有六

誥封一品夫人子三長孝懿次孝愉俱先卒三孝則孫五孝則之子鎮鑾暨鏞鏞孝愉之子銓鑄某年月日合葬于文定公之阡銘曰

澣濯服勤婦功朝暮哭禮所宗三立不朽眞相公石樓蔚汾清峻同千年此藏康幽宮

提督四川等處總兵官領隊大臣諡莊節馬公墓

誌銘

公諱全陽曲人初名琰姓馬氏字具堂號純齋曾大父化龍大父驥驥生雲翔雍正甲辰進士官至參將有四子瑁瑤其三公季珮三世皆以公貴

詒贈振威大夫江南提督初公考爲陝西孤山守備時梁夫人姪公或夢開牙迎上官乘軒入已而公生早嶷嶷出頭角授孝經喜誦始于事親三言乾隆十三年大兵征金川公年十七從父于軍父卒與兄瑁以喪歸葬應募西安軍門乾隆壬申連雋

賜一甲第三人及第授二等侍衛出爲福建撫標右營遊擊公年未壯與同官靳搢不相下俱劾去旣而幡然

折節更名曰全至京師入伍巡捕營傅文忠公奇其才乃以兵試己卯庚辰再捷

上御紫光閣親校進士識公曰爾馬琰耶何以至此公叩首引罪而技故絕人

上大悅

賜第一人自古科甲之奇一身再及第而名益歸未有如公者也授頭等侍衛二十七年扈

駕江南授南昌鎮總兵官

賜花翎三十年移鎮蘇松駐崇明巡海島登羊山竄宄絕跡三十四年擢江南提督三十七年冬調甘肅提督

復雷江南入

覲時方討金川公請行

上可之

賜元狐馬褂加領隊大臣馳驛赴軍三十八年二月抵  
控喀營每戰輒克殺賊二百餘攻獲昔嶺木果木柵樓  
數十

賜荷包四功牌一是時大軍駐木果木險與賊持夏五  
月公遣兄子國錡歸曰告汝父善事我母我無以家爲  
矣六月十一日賊証公大呼殺賊于昔嶺死之時有  
命調四川提督而公死事聞

上震悼卹典有加世襲騎都尉又一雲騎尉

知不足齋文集卷三

八

賜祭葬

御文勒碑

予諡柱節入祀昭忠祠公生雍正十年壬子三月二十  
九日卯時殉事時年四十有二生平忠孝友弟沈勇有  
大略或驚其兩起家冠倫魁而勳業不竟其年爲憾而  
不知公之獲死所歸列星可爲完人而無愧也配段夫  
人子四國銳襲職騎都尉又一雲騎尉授都司發山西  
委用國綱爲公弟後國鍵國鑑乾隆四十年三月二十  
五日葬于陽曲城東水峪邨先人之阡國銳乞銘于珪  
珪不獲辭銘曰

嗚呼癸巳孟陬遇公王胡隆角高鳩聃耳方曠嗟偉丈  
夫甲第嶸嶸雄魂殷鬚公乎曷盱晉山牙牙豐碑龍拏  
歸復在天不磨不渝

翰林院編修

誥授中議大夫前

日講

起居注官翰林院侍讀學士加二級先叔兄朱公

墓誌銘

珪自去年八月十四日聞予兄竹君之病狀于汀十六  
日忽得凶耗哭失聲旣而得姪錫貞等所爲行述且曰  
明春將葬季父其爲銘嗚呼已矣悔珪不從兄學古文  
而何以銘吾兄耶公諱筠字竹君一字美叔號筍河順

知足齋文集卷三

九

天大興人先世德三公居浙蕭山之黃閣河當明洪武  
時德三公之曾祖福三公元初居越寨自上無徵矣由  
德三公而下皆葬西山世業農八世至高祖諱尙綱公  
明末官遊擊亦不詳其地曾祖諱必名祖諱登俊起家  
湖廣長陽四川琪縣知縣終于中書科中書舍人考諱  
文炳年十七入籍大興爲諸生官陝西盩厔縣知縣累  
封至中憲大夫福建糧驛分巡福州福寧道曾祖祖考  
三世皆

誥贈通奉大夫山西布政使司布政使曾祖妣白氏祖  
妣何氏馮氏妣徐氏皆

誥贈夫人外王父諱覺民公康熙甲午舉人以珪請賜  
贈中議大夫翰林院侍講學士加二級外王母史氏賜  
贈淑人先妣生珪兄弟四人伯兄堂原任陝西大荔縣  
縣丞以珪請賜封中憲大夫 日講起居注官 文

淵閣直閣事翰林院侍講學士加一級仲兄垣辛未科  
進士歷官山東濟陽長清二縣知縣以公請賜贈奉直  
大夫翰林院編修加三級其次公行五珪其季也女兒  
弟六人公生而神慧長珪二歲皆生于盩厔九歲至京  
師十三通五經學爲文十五文成斐然先大夫喜賜之  
硯其年癸亥七月先妣見背公與珪同臥起夜讀古書

知不足齋文集卷三

十

手鈔默誦雞鳴不休明年珪遂病而公愈強力乙丑孟  
冬服除應郡試府丞石首鄭公其儲擢珪第一公稍次  
偕謁鄭公笑曰是皆美才弟可先兄耶告之學使少司  
農臨桂呂公熾十二月院試呂公擢公第一試鵬翼搏  
風歌大奇之徧告諸公明年正月京尹常州蔣公炳邀  
其同鄉劉文定公綸程文恭公景伊錢文敏公維城今  
侍郎莊公存與及其弟培因設筵召珪兄弟面試劉公  
授題崑田雙玉歌詩成諸公驚喜明日皆先來就訪明  
年珪竊科名而公學日以富庚午鄉試編修秀水鄭公  
虎文薦公卷不售名益振諸城劉文正公延之家修

盛京志乾隆十八年癸酉舉于鄉同考官編修建昌饒  
公學曙主考協辦大學士吏部尙書興縣孫文定公嘉  
淦禮部侍郎滿洲嵩公壽明年甲戌中會試式同考官  
贊善溧陽史公奕簪總裁大學士海寧陳文勤公世倌  
禮部侍郎滿洲介公福內閣學士武進錢文敏公維城  
殿試

賜莊培因榜進士出身改庶吉士丁丑散館授編修充  
方略館纂修官辛巳充會試同考官甲申丁先大夫憂  
珪自閩奔喪歸與兄聚首者二年公自爲諸生卽授弟  
子至是從游者數十人丙戌歲杪服闋公欲不出而爲

知不足齋文集卷三

十一

名山大川游已乞假矣明年正月珪服除詣 宮門

召見

上詢家事始知兄名曰編修無定額汝兄已補官不比  
汝需缺也珪未卽對

上曰非耶珪謹唯曰是出則告之翰林院取假呈以歸  
曰兄實無疾倘

上再詰不敢欺也強爲弟起公不答旣而听然曰汝敗  
我雅興矣是冬授贊善明年五月

御試二等擢翰林院侍讀學士旋充 日講起居注

官戊子科順天鄉試同考官三十四年

欽派協辦內閣學士批本事 己丑科會試同考官庚

寅奉

命爲福建鄉試正考官充辛卯會試同考官至是

上知公淡歲持文柄所得士多著名公益卓然以韓歐陽蘇自任振起古學樂藉寒峻有一善者譽之如不及天下翕然稱之曰竹君先生是秋奉

命視學安徽安徽故有樸學公躬拜奠婺源故士江永汪紱之主祠之鄉賢以勸乃教士曰讀書不可不識字爲刻舊本許氏說文解字揭以四端曰部分字體音聲訓詁又曰稽古莫如金石文可證經史之譌所在披別

知是齋文集卷三

十一

榛蘚聚至千種時

上方詔求遺書公奏言翰林院庫貯明永樂大典中逸書宜就加採錄

上覽奏異之下軍機大臣議行

御製七言八韻詩紀其事乃

命纂輯四庫全書得之大典中者五百餘部皆世所不傳次第刊布海內實公發之也公又言請倣漢唐故事擇儒臣校正十三經文字勒石太學奉

硃批候朕緩緩酌辦癸巳春仲兄卒其秋以某生欠考事部議降級得

旨朱筠學問尙優加恩授編修在四庫全書處行走比歸總辦日下舊聞纂修事是時金壇于文襄公敏中掌院爲總裁于公直軍機凡館書彙本披覈辨析苦往復之煩意欲公就見面質而公執翰林故事總裁纂修相見于館所無往見禮訖不尙往愛公者強拉公至西園相見公持論侃侃不稍下金壇間爲

上言朱筠辦書頗遲

上不之罪曰命蔣賜榮趣之眞

特恩也乙未珪自山西歸復入翰林從容爲公言宜稍和同者公曰子亦爲是言耶珪心愧之先是珪與公同

知足齋文集卷三

十三

官翰林共車馬者七年至是比鄰居宅後可通往來而伯兄居老屋對門珪自名所居曰鄂不草廬公旣久次望益重則大言翰林以立品讀書爲職終歲足不至達官門惟門人好友釀酒必應輒盡醉乃罷歌書至數萬卷種花滿徑來請益者不拒考古著錄窮日夜不劬古文以鄭孔經義遷固史書爲質覩縷鉅細事辨時地眞氣勃出成一家言賦則陽張陰闞馬揚以下不道也前後遇 大典禮告成祝

釐宣

上功德鴻篇奧冊袞然推首詩初學昌谷昌黎五言力

通漢魏既而導匯百家變化創闢神明獨得制義自荆川震川而下貫串數千篇與古文爲一書法則一本六書自然勁嫵蓋公之學與年進海涵嶽壘不足喻其所蘊也已亥八月

特旨以公督學福建時珪方典閩試閩人士聞公來無不抃舞珪與公相遇于石門舟次公至閩一以經學六書倡口講指畫示以鄉方閩清某生爲攝令某鍛鍊般人公發其覆大吏雪之扶持士氣行義若渴重倫節勸懲有加焉暇則搜奇广洞徧著手蹟明年秋

上以珪代公異數也公題使院之寢曰轄雅十一月十

知不足齋文集卷三

十四

八日珪至與公對牀者半月公日則出至他館酬接諸生手不停筆夜歸談盡三鼓復作詩文竟夜珪曰宜少惜精力公不厭也十二月三日送公于芋原舟次公淚下珪曰兄今與伯兄聚比三年珪卽還耳嗚呼孰知其爲永訣耶明年二月復

命

上溫霽詢諭人以爲必嚮用也公素強固性喜山水于黃山則再登其巔觀雲海于閩之武夷窮崩玉華諸名勝皆躋揆峻幽從者執焉六月二十一日夜忽遘瘵疾翼日漸瘳二十六日疾復作夜四鼓遂卒公生于雍正

七年六月六日丑時年五十有三。是月蕭山始祖墓有古松高五六丈，大風折其末丈餘，非偶然也。四方之士知者痛惜如失。所杖公孝友直諒，恬淡達觀，不愧所學。在安徽時，奏以其官貶贈庶祖妣李氏爲淑人，得

旨准行。貶贈之廣自此始。李太淑人撫視珪者也。公書來曰：我爲子成此志，所著古文數百篇，古今詩數千首。他文稱是皆可必傳于後。娶王氏。

敕封安人晉淑人。故分巡道銜加四級寶坻諱詢公女。子二：長錫貞，府學生，娶候選州同知天津徐君大李女。次錫庚，府學生，娶丙戌進士掌廣西道監察御史錢塘

知不足齋叢書卷三

五

施君學濂女，女子五長。適候選布政司經歷陽湖龔怡。次適甲午舉人通州魏紹源。三適國子監生大興徐焯。四適府學生大興翁樹端。五待字孫二女孫一俱錫貞。生乾隆四十七年某月日，葬于西山二老莊祖塋之北。銘曰：

導源三江，降神蓋屋。日下騰騰，名符其實。家無長物，擁經抱書。大言炎炎，獨出古初。羣雅輻湊，問奇載酒。忘其飢渴，不啻其口。恬于榮利，恥于繫援。開徑交柯，落花無言。雲海黃嶽，天舟武夷。謫仙遊戲，騎麟不羈。颺風何來，撼我宰木。連枝中披，得不抱哭。公名在世，公神何往。嗚呼！

斗後死吾歸曷放西山之麓先塋之右誌此幽砥千秋  
不朽

誥封奉政大夫林君墓誌銘

君諱正輝字德雲號斗南林姓有元進士某爲閩縣教  
授自莆田遷閩爲縣人後分爲仁義禮智四房君禮房  
支也禮之派不蕃父某困於諸生生四子君爲長十三  
而孤乃傭書養母字其弱弟每夜達旦作書頭目暈欬  
則伏几暫息復書病目眚三年十六始從其父執陳直  
卿學昧爽挾冊往食時暫歸每空腹復入館以帶約其  
腹忍餓讀如故年二十母吳卒貧不克葬柩在破屋中

知不足齋文集卷三

十六

天大雷雹椽瓦飛裂風撼屋欲拔君率諸弟伏棺號慟  
聲震天竟無恙乃竭厯葬母如禮明年授書于燕園里  
邨童十餘人皆不襪偕其季往季患頭瘍手爲荆櫛日  
則課童蒙夜讀書至四鼓服除乃館于城中三十始入  
學爲諸生君久困僻居人罕知其自來乃書世系于使  
院壁榜下知者乃驚歎某某有子孫也是年始娶妻葛  
葛故貧家女育于舅氏提甕汲水手製通草花賣以助  
食其賢見予竹君兄所作誌銘君自是名漸起授弟子  
益厭教人有法度嘗曰吾無他陰騭事惟不敢誤人子  
弟耳壬午舉于鄉年踰五十矣及子其宴官戶部江南

司主事加二級得

誥封奉政大夫戊戌其寔丁葛宜人憂歸服闋遂侍君養不出以是君晚年稍得優游自樂其志辛丑十月二十三日以小疾終年七十有一子三其實廩生後君一年卒其寔乾隆辛卯科進士戶部江南清吏司主事其蔡女子一孫二思臺思堂女孫七昔歲癸未予兼攝福州府事取其寔第二人試使者不錄予召之署自教之甲申冬予以憂去其寔試再罷丁亥乃附縣學庚寅鄉試爲予兄竹君所舉遂成進士閩人以予爲知人不知老孝廉之蘊蓄者厚矣乾隆四十八年三月四日其寔遷其母葛宜人柩從君合葬于城北梅柳山之原以其實祔請銘銘曰

知不足齋文集卷三

七

石錮而璞厥火遏而燎發川堰而瀑達士困而高闕天耶人耶無忘矻矻視此銘碣

誥贈奉直大夫鄭蕙園先生墓誌銘

編修鄭君際唐旣通籍十六年具摺以修墓請歸得旨俞允時乾隆四十有九年夏五月也將行告于珪曰際唐生七歲歲乙卯先母林宜入見背越十年甲子乃葬越二十有三年丙戌而先考奉直公逝于今十九年際唐行老矣不敢以待將合葬吾親敢乞先生銘珪與

際唐同官翰林同直 上書房者九年又以宦游三至  
閩知君家世稍詳不敢辭案狀鄭初籍休寧元末有官  
於福建之懷安諱靖者畱家焉明神宗時析懷安入侯  
官世遂爲候官人十一傳至諱開極者順治辛丑進士  
歷官左諭德督學浙江爲名學政珪少讀黃石齋先生  
書公序刻之所爲幾庭先生者也幾庭先生生六子其  
季諱烈字屏麓中康熙辛卯科副榜生四子長諱培字  
樹滋一字蕙園配林兩世皆以際唐官

誥贈奉直大夫翰林院編修加三級幾庭先生有孫二  
十五人奉直公最愛年十五入府學爲諸生屢躋于鄉

試比年四十乃罷去治生計以養父母而課其子獨嚴  
曰吾家名翰林後不可以不讀書時公喪偶有子五入  
遂不娶于居之西偏構眠雨亭爲諸子講業所偕游必  
績學能文者故編修兄弟皆以文名而實學勝公之教  
也先是幾庭先生歿十有八年不克葬屏麓公怒然憂  
之公臨請曰是兒責也獨力營窆窆不以譏齋從父昴  
弟歲丁巳乃葬幾庭先生于梅亭山之陽屏麓公遽疾  
年餘公謹視起居湯藥無間比終喪夢中猶作扶持父  
疾聲醒則哭性好急人之有無待以婚嫁喪葬者甚夥  
其弟曰枉豐曰堦曰增先後卒諸孤嫠皆就養于公以

是家日落然公性不較銖黍凡升斗量衡輒輕入重出  
曰吾非爲名與種德也吾不能爲是瑣瑣者而有市心  
嘗就市市肉屠者誤多與之半歸而覺之急呼屠覆較  
屠以爲求益也大譁公笑曰姑較之較而償其半屠則  
大喜公曰爾僦幾何而堪數誤耶或以公爲大迂其厚  
且直出于性之自然固如是也林宐人考諱和康熙丙  
子科解元贈朝議大夫宐人其次女知書善教子生五  
子曰金簡早卒贈承德郎翰林院編修加二級曰際  
熙乾隆丙子科舉人先公卒曰際唐乾隆庚辰科舉人  
己丑科

賜進士出身翰林院編修加三級直 上書房乾隆丁  
酉科雲南鄉試正考官庚子科會試同考官曰際乾乾  
隆丁酉科舉人後公卒曰際雲出爲公弟在豐後孫男  
二惟敬惟寅女孫七公生康熙戊寅年正月四日戌時  
卒乾隆丙戌年七月十四日巳時年六十有九林宐人  
生康熙丁丑年十二月二十三日卒雍正乙卯年四月  
二十六日年三十有九際唐以甲辰年十二月三日合  
葬公于羣鹿山之陽林宐人壙左銘曰

梅亭之窺老鳳所殖曾孫翩翩羣鹿之陽厥子麟章考  
與妣康嘻剖斗折衡而盈其經籛盍徵茲佳城

大名府知府靳君墓誌銘

乾隆甲辰春珪扈從南巡道出河間晤同年大名守靳君執手而歎曰噫君蒼髯盈頰矣蓋自戊辰以來三十七年同榜在者中外落落不數人及秋而君卒于官明年春其子師儉走京師泣請予銘予旣悲同人之益稀而賢守之不竟其澤也不可以辭君諱榮藩字价人號綠溪靳姓山西黎城人上世由洪洞來遷高祖妣張及其婦喬孫婦王三世俱發號靳門三節君祖綺府學生考尙端雍正甲辰舉人官浦江令忻州學正以君官俱

知是齋文集卷三

三

誥封奉政大夫例贈朝議大夫妣溫繼妣盛

誥贈宜人例贈恭人君生左手無名指有附枝穎而嗜學年十七試縣府皆冠其曹爲諸生十九舉乾隆甲子鄉試乙丑中會試明通榜戊辰成進士辛未丁父憂丁丑選廣東瓊山縣以母老改河南新蔡時河南歲祲君到官卽究心荒政賑貸必誠民以蘇己卯分校鄉試是年珪主試事與君共昕夕者竟月有司坐堂皇判決惟意騁輿騶謁戟門一入瑣闥列坐據案擣藍點赤字暈苦欲睡予時覘君子衡校纘而察所乙卷無枉歎君之學優而心下知其治民之良也庚辰再與分校後以母

憂歸旣葬置祭田以祠其宗服除乙酉授直隸龍門縣  
戊子調遷安均車徭爲旂三民七之制己丑陞蔚州知  
州建文蔚書院以教士州西二十五里曰暖泉堡其南  
灘積夏秋水漲注匯廣靈嘔夷之川盪析田廬歲爲  
患舊築土壩輒圯君行相度易以石爲丈三百一十高  
九尺有奇首尾綴之土壩州人美之曰此靳公隄也君  
不居易之曰保障戍戍擢知遵化直隸州癸卯授大名  
府知府

上知君能其官嚮用矣未期月而病以卒君自縣歷州  
郡官于畿者二十年在所民安之去而思能以經術文  
教佐治而本之忠懇庶幾有惻惻遺意持身儉素仕不  
怠學所著吳詩集覽四十卷綠溪詩古文雜著若干種  
生雍正丙午年三月二十五日丑時卒乾隆甲辰年八  
月十九日巳時年五十有九配劉恭人側室任生子一  
師儉附監生某年月日葬于某銘曰

吏部稽勳司郎中張君墓誌銘

今年二月初張君元禮來就予語別去未半月君喪其  
仲婦又喪其弟棨中旬九日予自西園下直趨弔君君  
泣然曰舉室邁時疾惟我獨身支持若何予爲排解語

良久出君送之門珍重而別越下旬五日而君以疾卒  
何其追也比葬有日其孤泣請予銘嗚呼珪何忍銘君  
君諱模字元禮號晴溪順天宛平人其先自江南安興  
遷蓋州衛軍籍當明洪武初至正統四年入衛京師曰  
旺熹宗朝有太僕寺少卿曰邦經疏救楊左罷職爲君  
五世祖考冲之薦舉起家官河南南汝光道妣柴恭人  
君有弟曰桓曰槩君少穎敏九歲南汝公以工部郎謫  
居通州君獨侍讀書自勵年十八入學乾隆壬申春舉  
于鄉秋成進士改庶吉士甲戌散館授刑部主事遇事  
侃侃不阿丙子主湖南鄉試己卯陞員外郎主廣東鄉

試壬午充順天鄉試同考官奉

知是齋文集卷三

三

命督學廣東時南汝公駐信陽君乘傳謁二親于官所  
明年銓陞吏部稽勳司郎中君之督學也力以振士氣  
爲己任凡士民交訟事不宥媿阿隨有司畸輕重或親  
鞫平反之曰我法司也粵人頗以使者爲能直我而有  
司則疑其侵官曰使者將與我爲難訴之大吏于是君  
遂被劾鐫秩去而南汝公亦以事罷效力軍臺君念父  
齒力衰乃傾貲爲父贖罪得

旨免歸其後雖捐復原官而以父母皆老不就選君兼  
通陰陽家言自喜能奇中又博覽古法書名畫辨器物

眞膺不爽家食二十年養葬盡禮赴戚友之急若忘其  
貧葬族之殯撫孤弱者教子及弟之子讀書皆成植甲  
辰十月君六十初度作述懷詩六首明年正月與千叟  
宴

賜

御製詩筇杖朝珠如意皮幣十六件君風神不減少壯  
騎控自豪曰吾叟矣初珪年十二識君君娶于寶坻王  
氏于子兄竹君爲妻之姑歲乙酉君來訪予見予次子  
錫緯方七齡能背誦爾雅周禮成帙大喜欲爲壻乃忘  
其輩行結婚姻焉然錫緯年二十有二竟夭折先是君

知是齋文集卷三

五

爲兩老人擇地于城南蕭家邨築室營壙皆秩秩曰他  
日則祔我于左君生雍正乙巳年十月五日寅時卒于  
乾隆乙巳年二月二十五日戌時年六十有一子二中  
正乾隆庚子科舉人議敘八品京官娶井氏中達府學  
生娶楊氏孫一以仁女五長嫁乙酉科舉人獻縣紀汝  
佶次嫁獻縣學生鹽課大使紀汝仲次嫁癸卯科舉人  
寶坻王振緒次嫁珪次子附生朱錫緯次未字孫女四  
葬于是年五月十一日巳未銘曰

七日不見魂何之千秋吉藏君自爲負丙面壬食坎離  
從厥考妣茆本枝

湖南布政使司布政使葉君墓誌銘

乾隆甲辰秋珪旣哭吾友辛麓葉君子喪次明年春其子紹樞來謁泣曰先君素心之交無踰先生今將返葬于湖敢乞銘珪不得辭案行述君諱佩蓀字丹穎號辛麓浙之歸安人先世自宋石林公由栝蒼遷湖祖金聲考鳳池俱以君貴

誥贈中憲大夫山西河東兵備道妣巫與陸俱贈恭人兄弟三人鍾英鍾麟君其季也贈公治刑名館于某縣有盜株逮十餘人獄成矣爲挾其疑白令再讞之果誣也十餘人者皆釋是年陸太夫人實生君六歲而母喪

知是齋文集卷三

五

就學于他姓塾貧不能買書得架土舊書易本義請師授讀求其解不得曰吾他日必自得之十六從邑諸生吳三錫學制義三錫奇之而贈公以病失館貧甚不能具束脯欲君改業泣不何吳曰此子何可不讀書吾將挈而就館且飲食之何患焉及君旣貴曰吾非吳先生不及此苟一日溫飽必與吳氏共湖之人兩賢之年十八爲諸生二十庚午舉于鄉時贈公七十有三矣甲戌成莊培因榜二甲五名進士分部試主事而贈公卒奔喪歸服除試兵部車駕司庚辰授武庫司充順天鄉試同考官癸未擢職方司員外郎武選司郎中乙酉京

察一等丙戌授河南衛輝知府君能于曹務綜核詳縝  
及爲郡治大小獄懇惻明恕必得其情署開封調南陽  
蓋以廉潔惠民爲治辛卯卓異引 見擢河東道其

去豫之晉也南陽士民走送者萬人初君與予兄竹君  
同舉進士最相得君時寓居城西南距予家稍遠竹君  
與予同車出雖往城極東北必紆途訪君予方苦苦  
每難之而不能挽也故早熟君歲丁亥予司臬湖北見  
君于衛輝及君來河東而予司藩于晉爲同僚又與君  
同年生察君之治河東則眞能爲民者乃相得益歡君  
方講求水利疏洩水達五姓湖脩蒲之虞舜廟建書院

教所屬躬行保甲而不擾旌闡節孝不遺幽翳久而益  
勤暇則治易盡取漢唐宋以來諸家傳注及河洛先天  
月卦卦氣變卦反對諸說必索其所以然然後舉而空  
之曰易不枉是也乾坎艮震以主陰乎內巽離坤兌以  
從陽乎外天之本然也易以乾坤爲體而二氣以乾爲  
元聖道之異乎老釋者乾德也三聖人所言者不可增  
損一字三聖人所未言者吾不敢加著易守四十卷乙  
未戊戌再署按察使兩舉卓異入 覲己亥授山東

按察使時東撫與君異趨君確然自守惟盡心于刑之  
中曰吾所得爲者不可撓也辛丑授湖南布政使咸以

碩果得輿爲君慶壬寅護湖南巡撫事東撫敗以不先  
舉發吏議當革職奉

旨降補知府君入都請校書萬冊自效癸卯歲除予自  
閩還見君語予曰某于易究心十五六年若可自信矣  
他著錄尙書詩禮經義及詩古文又數十卷其沈思勤  
學而心力亦瘁于是明年得嗽上氣疾予屢就問勸之  
省心養氣君領之竟以九月八日卒嗚呼若君之廉而  
惠在所則民受其益而嗇于年不溥其施豈獨爲君惜  
且悲也君生于雍正辛亥四月二十九日亥時年五十  
有四元配周夫人繼室李夫人晉寧鶴峯先生諱因培  
之女有子四紹榷乾隆己亥舉人議敘內閣中書紹棻  
紹榷同榜舉人出後于世父鍾麟紹榷紹本皆監生孫  
二來章含章女三長適太學生錢慎次適太學生沈昌  
培三適編修邱庭澐女孫一某年月日葬于某所銘曰  
陰德在民陽德律身歸復其眞以蔭而子孫

湖北按察使司按察使馮君墓誌銘

馮君均弼旣卒之明年秋其子宓奉柩自楚北道京  
師將歸葬于山西泣述其生平而請銘于珪珪早識均  
弼而先兄竹君與均弼交最淡不可辭君馮姓諱廷丞  
均弼其字一字康齋其先由山東壽光遷山西太原振

武衛衛在代州東南遂爲代州人九傳至君曾祖諱蘊  
康熙戊辰進士官廣西南寧府同知祖諱光裕康熙辛  
卯舉人官至湖南巡撫考諱祁乾隆丁巳進士翰林院  
編修妣劉淑人生子四君其長也君生而慧嶷幼從瑞  
金楊鴻臚方立游時鴻臚未第以詩古文詞相摩宰君  
已嶄然出頭角吐語驚人旣而侍其父入都從山陰周  
蘭坡學士長發讀書獨考證經史地形要害議事風發  
願爲有用之學錢塘周葑岡學士玉章與蘭坡學士同  
直上書房奇君非常人以女妻焉君年弱冠方志于  
古不汲汲逐時趨三試不售以父望之切乃銳力攻舉

子業壬申

知不足齋文集卷三

三

恩科舉于鄉君亟勤學苦心疾乃從方外游息氣內觀  
豁然元悟心精飛越魔怪百出燒之不爲動以神力超  
解曰此弄精魂也不竟其學初乾隆元年君以大父官  
貴州布政使

覃恩給從二品蔭生二十一年考列一等引 見奉

旨內用補光祿寺署正歲戊寅編修公游浙卒于杭君  
旣迎喪反葬盡以遺產分諸弟于是貧甚服除補官遷  
大理寺寺丞擢刑部廣西司員外郎廣東司郎中家益  
貧賃屋壁立斥輿馬無薪裘資處之淡然日治經史與

名士磋切曰不固竊非士也惟勤于官治讞必求其情  
輒有所平反見知于大司寇諸城劉文正公辛卯京  
察一等明年出授浙江寧紹合道廉介自矢不爲詭婀  
甲午調福建臺灣道臺灣斗絕海外民番雜唳官三歲  
更番不肖者漁利擾獄市繚蔓不可爬梳君一刷之曰  
吾不爲也寮屬悚惕及君之時不敢爲非巡道兼學政  
君曰不可以媿隅易之親校甲乙士論翕然丙申冬擢  
江西按察使渡海颶作舟膠于山若見檣端有神光柱  
巖者遂得出險旣入覲到官以失察安人書籍事  
革職發軍臺效力旋奉

知是齋文集卷三

三

恩旨贖罪

命往江南以同知用庚子

上南巡迎

駕准以道員揭復君在江南六年歷署常州淮安徐州  
三府河庫蘇松督糧松太兵備三道事其在淮安也制  
府委以濬臨河集引河君晝宿工所官吏分寸不敢欺  
或陷以利不可則讒讒交作然大吏之賢者以是益重  
君壬寅冬授分巡江寧鹽法道明年春擢湖北按察使

陸見

上問官刑部時誰保汝以劉統勳對

上曰學劉統勳最好君子是益感厲淬發思有以自見  
湖北獄善壽張君盡心釐之有楚蜀爭界事君盛夏行  
施南萬山中履勘平其爭遂邁疾請解任竟不起四十  
九年甲辰十一月八日卒于署君生雍正六年戊申九  
月某日年五十有七君有守有爲蹟而復振將有所大  
造于斯民而不竟其施爲可惜也配周淑人子一歲乾  
隆庚子舉人議敘八品京官女一適編修汾陽曹錫齡  
孫一衍緒乾隆五十年乙巳十一月某日葬于代州煙  
旺邨厥考之墓次銘曰

勾注之陽雲龍陰磊砢其骨冰雪心鬱奇騰上靳不駸

知不足齋文集卷三

无

歸復而升理則諶

日講起居注官翰林院侍講學士加一級裕軒先生墓

誌銘

裕軒先生旣葬其門人御史劉君澹告于珪曰吾師之  
化也無怛然其平生用力而自得者不可沒也公知吾  
師者請爲文揭于石珪不可辭先生姓佟氏諱圖轄布  
字裕軒滿洲鑲紅旗人父薩克思哈官寧夏駐防協領  
母隋氏先生其次子也中乾隆辛酉舉人初仕翰林院  
筆帖式戊辰成進士改庶吉士辛未授職檢討歷官侍  
講侍讀充日講起居注官至侍講學士壬申甲戌

充會試同考官癸酉主四川鄉試庚辰主山東鄉試先生性恬淡方嚮用矣遽引疾乞休

上旋命爲河南學政而先生已前告罷遂不出所居城西西南隅曰象坊橋于宅之南闢地數畝藝穀灌蔬曰漫圃出阜城門外十里而近曰釣魚臺隱土山面流築土屋數間曰野圃暇則挈杖獨步往來于是間有造之者不距間方外有通名理者必謁而請益冀還其眞子釋道兩家言無所不參究晚若有心得其自守廉介雖門生執友不妄受一錢初以似續爲念旣而屏嗜欲與妻恭人偕修白業豫買地西郊種樹環壙築菴于其左曰

知不足齋文集卷三

三

我將終于是俾道士守我藏乾隆五十年乙巳正月  
上開千叟宴于是先生年六十有六矣與其兄給事圖

薩布偕與焉拜

賜

御製詩如意筇杖皮幣歸其秋示疾珪將扈

駕木蘭八月朔及朏再踵謁先生笑曰君歸來吾其逝矣旣望謂家人曰吾欲暫舍于郊旣出曰吾不反矣作書分其遺物于昆弟其妻來問疾趣之歸曰無溷我命築茅屋于菴後旣成遷焉跣坐竟日夜不飲二十八日平明語其從弟某曰今日吾定逝無動待吾行遠而後屬纊焉諸人遙候于戶外靜默無氣逆聲良久端坐如

故候之息與脈寂矣其定力庶幾涅槃者生于康熙庚  
子年二月六日癸卯卒于乾隆乙巳年八月乙巳越六  
日辛亥葬於鐵家墳所著有枚巢詩集四卷先生廉靜  
淡泊殆於獨者其脫屣榮利超然去來有以也銘曰  
孔取不爲孟思已貴絕利一源勝師十倍上爲昭明惺  
惺不昧嗚乎先生爾已反其真而我猶暗醜兮噫

知足齋文集卷第四

大興朱珪墓誌銘

墓誌銘

呂君慕堂墓誌銘

呂君慕堂卒于乾隆二十年乙亥越二十一年丙申其孤麟乃卜地葬君于長新店之西又十年丙午君配吾姊氏卒麟將啓君之阡而合葬焉泣而請于珪曰麟生未睟而孤及有知竊聞吾父之生平惟舅筭河公所作行略及吾母口述耳比葬未有銘吾母之喪舅旣爲之狀茲合祔有期敢請舅銘以不朽吾父母也君諱元龍

知足齋文集卷四

一

字鱗洲一字慕堂順天大興人其先世自河南遷京師明末有名相者官千戶甲申之變守永定城門死之有卒持其殘骨至東便門外瘞之舍中遂墳焉爲君七世祖五傳至君考琬官太常寺典簿妣楊宜人生君君少嗜讀書旣爲諸生念先世未嘗以科第起家必欲得之以慰父母心刻苦勤學爲文章淡沈窅默窺江右羅文止章大力之奧突嘗斲木度棘闢矮屋尺寸坐其中呻吟夜以繼日乾隆庚午遂以第八人舉于鄉再會試不售嘔血而罷遂病病二歲而卒妻朱氏爲先考資政公先妣徐夫人所生第二女與君同志相勸以日者推姑

年支歲行在某不利子壽慶之形子夢寐若躬壽于鄰  
城隍所請減己年以益姑算覺而屬注爲文焚于廟中  
及君病誓以身代病亟矣欲先死之吞金約指二旋正  
乙亥正月三日君病彌留家人益防之十六日向明竟  
投縵于戶上樞人覺而解其懸氣不絕如縷越日而蘇  
咸責以事親撫孤大義領之乃稍復常事舅姑皆以壽  
終教子麟以諸生考職主簿鄉人土其事于學大吏以  
節孝請旌得

旨呂朱氏准其建坊入祠今年正月六日以疾卒君生  
于雍正三年乙巳四月二十三日午時年三十有一歲

知不足齋叢書卷四

二

人生于雍正四年丙午四月二十日巳時年六十有一  
子一麟娶胡氏繼娶李氏女五旣嫁者一一適戊子科  
舉人分發山東知縣天津沈以顯一適候選州同通州  
劉錫光皆卒其祔也負庚面甲兼卯酉分爲乾隆五十  
一年四月十二日酉時銘曰

勤學不壽其益不朽苦貞不享厥光鬱上儷于藏孔長  
庇其根以昌

敕封儒林郎邵翁墓誌銘

編修邵君瑛將奔其封翁景載先生之喪持所爲行述  
泣示珪而請爲銘珪辭不獲且知先生之勤學教子者

不可沒也先生諱陞字梅林一字景載浙之餘姚人  
會祖以文祖顓俊本生祖三俊父思慈世爲縣學生思  
慈能文年逾四十而卒時先生生甫四月初先生之  
娠也生母張夢月入懷及是母于暨張兩妾抱數旬之  
孤承兩世之重不絕如髮比長受業同邑黃敬菴之門  
本洛閩學而飾之以經義史志所讀書必經手錄而識  
各家疏解于上方笏行皆偏年二十有三入學爲諸生  
旋丁嫡母憂屢不就試歲丙子舉于鄉不肖違生母養  
嘗一上公車不第歸遂授經于里訖不出其學尤長于  
經如釋周禮樂師舞引春秋初獻六羽駁鄭注宗廟以  
人之說据學記三王祭川先河後海公羊傳三望祭泰  
山河海駁大宗伯賈疏禮無祭海之說据周禮夏官羊  
人凡釁積共其羊牲牛人無其文證孟子釁鐘本用羊  
不用牛之義貫串而折其中其大略也子瑛玠皆秉其  
所口授故瑛最精于樸學甲辰會試以第三場對策核  
贖得雋殿試珪與讀卷官奇其策典實而茂蔚徧示  
諸公皆以爲異等擬進

上覽而嘉之以誤書一字置一甲第二名人以爲先生  
之德業不大鳴于身而昌其子也傳者或云先生教子  
甚嚴幾于過情珪間嘗詢之瑛瑛肅然曰瑛父嚴而實

慈瑛自幼體弱凡飲食藥物父必手檢而詔之曰吾非  
爲汝爲汝大父母也大父四十年苦學大母六十餘年  
苦節而汝不自愛自力耶珪乃益歎先生之孝也于是  
恭遇乾隆五十年

覃恩瑛請以己官貤贈祖考階儒林郎妣于生妣張皆  
安人先生善事其母張太安人年八十有七有孺子之  
慕生平儉于己而嗜義若渴族有孀婦某貧而有志周  
之二十餘年以成其節先生生于康熙五十五年丙申  
十一月十八日戌時卒于乾隆五十一年丙午二月二  
十九日亥時年七十有一丙子科舉人

知不足齋叢書卷四

四

敕封儒林郎翰林院編修加一級配朱安人先卒繼室  
俞安人子二瑛庚子科舉人甲辰科進士及第翰林院  
編修加一級三通館纂修官娶俞氏玠貢生娶方氏女  
子二一通縣學生谷鶴一通太學生朱起齡孫六器之  
習之用之瑛出牧之進之立之玠出女孫四某年月日  
葬于某銘曰

考菑畬子滿車孝廉竭歷昌汝閩曰馮陽闕生喬如康  
節伯溫世厥家

章淳菴墓誌銘

歸安章子荅聞其本生祖淳安府君之赴哀甚泣而請

于珪曰吾祖行敦德于躬施惠于族黨潛曜留爽耄耄不倦非公曷闡于不朽予習知章子之誠篤非阿其親者案狀府君諱通翰字尊懷號淳菴其先自會稽遷歸安之荻岡邨家焉父諱絃勳有子五人府君之兄曰靜園仲詔弟曰呂涯碧軒父善病府君侍起居最謹年十八喪父以家計支絀遠賈于閩粵暨楚南北歲饑買米平糶乃獲倍息歸之子兄無私蓄弟呂涯卒遺孤五撫之若己子所居鬱攸府君有別業不肖獨遷曰如孤姪何兄靜園卒屬其子西庚于府君西庚又卒覆翼其孤迄于成立曰吾懼無以見吾兄于九原也兄仲詔卒無

子以長子某爲之後勤學不祿實生苓乾隆癸卯科舉人繕書四庫館議敘知縣克秉府君之教以道自淑府君晚而好道孜孜于善周人之緩急病予之藥死則施之棺助窆自奉褐衣蔬食而已齒雖耄凡祠墓事必躬親乾隆五十一年丙午正月十三日卒年八十有一嗚乎可謂旄期稱道不亂者歟生于康熙四十五年丙戌六月二十二日太學生妻朱氏兵部主事泮功女子三女二孫十二曾孫十二某年月日葬于某銘曰

歐餘崩施餘不泚泚鬱霞流英津其根莖以擊爾佳城

歲辛丑予案郡邵武試古學有建寧黃宗健能爲五七古數十韻遂首取之明年科試復擢冠其學楠廩生送入鰲峯書院肄業予使旋甲辰宗健奉其父存菴之命就學于京師入太學今年七月宗健聞父喪慟絕曰吾乃以學遺其親予憐而解之曰此昌黎爲歐陽生言之矣生豈可致毀以重死其父乎于是宗健稽顙泣請曰死無以報吾父惟吾師哀而銘之則死且不朽君諱岡字東壁號存菴考諱孫香之次子出後其弟孫安孫安沒其妻彭年二十有七矢志撫孤卒年六十有六守節四十年君養其志終身無間焉君少讀書有聲于庠會

知是齋文集卷四

六

同里某斫其族山宰木族人亦斫某之山木以報訟于縣縣察其情不直某某夤緣于郡郡以縣訊不平勘之君本生父將爲獄首禍不測君奮然曰兒當之遂挺身投吏吏案牘叱曰牘首名孫香汝何爲者君曰此吾父也父實老病不能斫某木木固岡斫之願伏罪吏大恚詈曰汝以杵不畏死耶君曰死甘之畏吾不來矣遂梏杵就繫孫香以免獄旣具于是桂林陳文恭公撫閩平反之釋君歸母彭喜而泣曰不意吾母子生相見也君于是入貲爲太學生閉戶不出惟嚴課其二子曰庶一雪我恥長子宗修先入學從其鄉朱梅崖先生肄業于

鼇峯書院梅崖引以爲可與言而爲君作六十壽序宗健復耆學進取觀其兄弟之征邁不己以期無忝所生者可以知君之教矣君卒于乾隆五十一年丙午四月七日生于康熙五十三年甲午六月八日年七十有三妻鄧先卒子二宗修宗健女子二孫五尙譜尙訥尙識長吉長慕某年月日葬于某銘曰  
代父叢棘非其愎貽子學殖非其得火傳薪熄後將食爾德

太子少傅

經筵講官東閣大學士兼戶部尙

書

贈太子太保諡文定梁公墓誌銘

知是齋文集卷四

七

乾隆丁未秋八月大學士梁文定公之喪歸于浙適珪將案試湖州遇之于塘西旣哭公于舟其孤以公年譜泣而請銘珪不獲辭案梁本廩姓其先出于伯翳由新昌而遷于豐山之梁苾邨者曰國鎮公稱東梁至公十有七世爲會稽人曾祖諱廷仁祖諱一能考諱文標官刑部陝西司主事後皆以公貴累

誥贈如公官妣陳太夫人初公考官刑部司獄恤囚有陰德曰彼自麗于法耳何爲庖苦之下獄者皆德梁君已而生公諱國治字階平號瑤峯有兄國泰早卒事嫂馮甚謹官戶部侍郎時以己官貶封焉公年十歲居陳

太夫人喪如成人十四以制義書法見賞于學使崔公  
紀籍順天通州入學第一人十七丁外艱十九舉乾隆  
辛酉科鄉試明年考取內閣中書改歸本籍戊辰會試  
中式 殿試一甲第一名

賜進士及第授職修撰珪登公榜同爲翰林官未幾以  
繼母吳太夫人憂歸乾隆十六年散館十九年遷國子  
監司業二十一年充丙子科廣東正考官復

命奏對稱

旨命往廣東以道員用明年補惠潮嘉兵備道二十六  
年恭祝

皇太后萬壽至 京以卓異引

見

知不足齋叢書卷四

八

特旨署都察院左副都御史公以巍科清望出試吏事  
至是超擢卿貳聞者翕然明年主壬午科江西鄉試旋  
視學安徽擢吏部左侍郎三十年調江蘇學政提唱羣  
雅鑑別茂異江南北士蔚然宗之會以署廣東糧道失  
察折色事牽連落職就勘明年事白授山西冀寧道三  
十二年授湖南按察使時珪司臬湖北公道經武昌登  
蛇山巔浮白談契闊終日不及塵埽事三十三年授江  
寧布政使明年擢湖北巡撫兼署湖廣總督及荊州將  
軍印是時官兵征緬甸振旅過境公躬勞拊且鎮之序

行無譁奏定施南府屬宣恩來鳳咸豐利川學增額有  
差三十六年調湖南巡撫公以經術勤吏治清風惠氣  
不燒以孚三十八年

特旨內召直軍機處署禮部侍郎珪致書于公曰閣下  
以封疆大吏入贊密勿願以清吏源培民脈端士氣三  
言爲獻公不以予爲迂也三十九年

命直 南書房補戶部侍郎自是

召對扈從無間昕夙充 經筵講官

賜紫禁城騎馬第宅冠服之 賚便蕃有加四十二

年典順天鄉試擢戶部尙書四十七年加太子少傅明

知是齋文集卷四

九

年以原官協辦大學士歲庚子甲辰再以扈

駕南巡

賜假省墓鄉黨榮焉五十年與千叟宴于 乾清宮殿

上夏授東閣大學士兼戶部尙書公以文學受

知在

帝左右敬慎縝密寵利不居潔躬冲度粹然儒者在昔  
有宋龍首入黃扉者九人有明一代十有七人而我

皇臨御五十餘年以來邁其三焉公躬際

文德武功之盛雍容大雅退食澹淡有不愧讀書宰相

者其天性學養皆不可及也公體素清癯五十一年仲

冬望日疾作

上遣醫官暨侍衛傳

旨存問越月十三日壬子考終奏

聞

上軫悼晉贈太子太保

命皇子往奠

賚白金千兩治喪

賜諡文定公始終承

眷惟其端醇勤慎信之者深也詩文著錄若干卷藁藏于家配徐夫人生一子和凝先卒筮唐孺人生子五承輿議敘州同爲世父後卒承雲

欽賜舉人承翼卒承綸承福女幾人孫幾人某某公生

知是齋文集卷四

十

于雍正癸卯年十月二十一日卯時終于乾隆丙午年十二月十三日巳時年六十有四某年月日葬于紹興南門外乾溪之五台山銘曰

文曜降斗麟題鳳苞守器在廟天球赤刀元功無名大美不佻當無有用去來逍遙芘爾世德稽山之椒

顧治齋文學墓誌銘

歲丁未春太倉顧生張思介錢少詹辛楣書謁予于杭書言生耆學志古予畱館之佐校歲科兩試生早夜斷斷著讀書隨筆若干卷于經史諸家鉤沈索隱眞能躋躐其甘苦者間窺其案頭舊書鉛黃填錯詫之曰此何

代枕中祕耶生愀然曰先子手批也先子于書無所不  
治潛德未曜思不能表章遺書惟窳窳之榻得有道而  
能文者一言則思死且不朽思願執贄爲弟子珪辭而  
勉爲之文案行述君諱成志字心勿號治齋顧氏族有  
二韋顧之顧己姓吳郡之顧妣姓初少康庶子無餘封  
於越暨漢封東海王搖之子期視爲顧余侯子孫以爵  
爲氏陳黃門侍郎野王之第二子鴻南封寧遠侯十數  
傳至宋宣和中有蜚者官于朝後從南渡其子淡由光  
福再遷崑山之新安鄉爲太倉始祖十傳至松霞公燕  
詒明崇禎戊辰進士官至浙江右布政使君之曾祖也

知不足齋文集卷四

十一

生光復康熙辛酉科副榜貢生其子衍縣學生康熙中  
以通奇門算學供奉 內廷有子六人君其季也自樞  
樞育于西谿張氏西谿君諱誠無子撫君甚慈君幼有  
至性四歲遭張氏庶妣嚴之喪稽顙拜客如禮年二十  
以張姓入太倉州學屢試高等補增廣生後以督學嚴  
查冒姓乃爲文泣告于張氏祠誠子孫世世以張爲重  
名且自營壙于西溪君墓側曰四時祭埽必秉承二姓  
作誠子詩曰生依死不離其不負張氏撫育之仁也與  
同高祖昆弟行人陳埽講治心之學乃自號治齋爲文  
章原本經史不見售于有司貧無以爲家晚始卜居西

塘有樹有池老屋三間名曰稻香結西塘吟社著錄益富凡十數種藏于家考訂之學宗其族亭林先生何顧氏之多學者也君生于康熙五十六年丁酉三月八日卒于乾隆四十八年癸丑五月十六日年六十有七美鬚髯體中而豐妻任生子三張毓張思州學生張傳州學生女子一適國子生王春孫五張森張張牲張翰張同張崑乾隆五十三年正月十一日葬于古塘北張氏西溪府君墓左從君志也銘曰

山叟室謀行屋闔厥父菑田子播洽君家壁立百城巋虛牖延白脈堅肥顧則異已經埒韋窆楹將大稽古輝

浙江督糧道陳君墓誌銘

知不足齋文集卷四

十一

公陳姓諱夢說字象臣又字曉巖絳縣之陳邨人先世自洪洞來遷祖諱元善增生地贈奉直大夫刑部安徽司主事加一級祖妣李妣贈宜人父諱瑞

誥贈中憲大夫禮部精膳司郎中加二級母孫

誥贈恭人奉直公中憲公皆授經于垣曲之劉張邨遂家焉生君子劉張邨其夕母夢明月墮窗前光照一室故名君曰夢月其後據名不以日月之傳易今名蚤穎者學十歲還家于絳十五同縣李恭人來歸中憲公率君躬耕田間日耕且讀書食則觀書于側母呵之曰久

不將斜汝目耶夜望見室中燈火苦禁之君竊以布帷掩其光遂通諸經年十八喪祖妣李盡哀歲乙卯年二十二入學爲諸生丙辰舉于鄉庚申父母相繼卒君哭之毀戊辰中會試式出華陽顧庶子汝修房與珪同年同門其撥入本經房師則長洲沈編修慰祖也 殿試賜同進士出身以主事用試刑部河南司君性介不妄與人交暱初或疑其隘久而彌摯尤勤于守官在部時讞決必比律協情不阿上官意嘗與諸城劉文正公諍五日而卒不易所擬文正公心躋之歲癸酉補安徽司兼提牢事早晚親行獄役不能爲姦而囚無苦虐少司

寇無錫秦公察而嘉之歲甲戌擢浙江司員外郎乙亥李恭人卒丙子 京察一等十月陞禮部精膳司郎中明年四月護送暹羅國使臣抵粵有入粵紀事戊寅兼儀制司繼娶朱恭人記名御史辛巳以繁缺道府記名

六月

簡授寧紹台道未抵任巡撫莊公檄閱紹興宋家漣海塘君議當修復從之癸未台屬寧海上下梅邨有拒捕案提督將以兵往海旁邨民皆驚竄君謝之輕騎行縣令已繯繫竄者數十人下之獄君曰此非犯者我來捕梅姓數人而已駐停旁盡獲之釋其小子一人台人謠

其事曰存孤記遂改停秀爲海防同知治所勸修郵之  
錢湘插乙酉

上南巡

召見曰夢說爲刑曹素知其能

賜綺貂是年八月天台水勘賑之明年以所屬諸暨令  
不職罷吏議送部引

見仍以道員用撫臣奏請督修浙城工丁亥  
特旨授浙江督糧道卻餽金漕政肅然戊子有譏言翦  
髮事蕭山捕得僧了凡等四人誣服君平反之明年或  
言事起于浙以犯解京訊無他而抵捕者罪君以輕比

知不足齋文集卷四

十四

議降一級修餘杭南湖隄填其潭署嘉興府嘉興訟縣  
君釐之無畱牘壬辰署嚴衢處湖各府事甲午復元官  
君在浙十二年有歸田志遂自號西庵副夫請假歸明  
年卜居山泉之旁號枕泉居士戴笠芟履與鄉里道舊  
故優游林居者十年甲辰示疾考終生于康熙五十三  
年甲午七月十二日子時卒于乾隆四十九年甲辰十  
一月晦日午時年七十有一元配李恭人勤儉仁恕中  
外稱賢子四鍾雲國子監生鍾霞貢生皆恭人出先卒  
鍾雨側室唐出鍾雯側室戴出女子三孫二鍾霞生毓  
寧爲鍾雲後鍾雨生毓揚爲鍾霞後曾孫一道瞻君仕

優好學所著各集彙藏于家葬于某原其孤寄書于珪曰先公同年之在朝者惟公巋然獨存敢乞銘銘曰君面冷而中慤交久孚而瘡怕周紀于浙聲濯濯十年枕流絳居樂我文非樊璞可琢

致仕鎮守雲南楚姚蒙景等處地方總兵官世襲

三等子

誥贈振威大夫浙江提督陳公墓誌

銘

乾隆丁未春珪案試寧波識提督陳公公儒將也試畢偕予會食坐未半聞母李太夫人有恙跣踏不能終食予心慙其孝明年春予以科試再至寧波而公已居憂泣告于珪曰大用早孤賴兩母夫人扶先公柩殯于京師暨大用待罪登州遭繼母惠太夫人喪將歸合葬于寧夏次西安聞石峯堡回不靖諠當執戈乃卜葬于長安城南之沈家橋以待

智生齋文集卷四

五

命未暇勒石也今生母李太夫人見背行將耐于陝敢請銘案家傳陳本江寧人其上世不可考曰明德生孝孝生尙智明末官榆林副總兵與流賊戰死之葬寧夏遂籍延綏是生忠愍公諱福 國初以武舉起家歷官至夔州副將擢寧夏總兵是時吳三桂反王輔臣據平涼公家屬猶畱重慶三桂質而招之三斬其使以

聞

聖祖嘉其忠授陝西提督平花馬池進攻固原降卒潰  
遇害

特贈公爵世襲三等子例傳九世以其弟壽之子世怡  
襲蜀平壽入川求得公妻黃子世琳于山中世琳襲爵  
官至古北鎮總兵官入爲鑾儀使是爲爾謙公之考妣  
錢太夫人公諱益爾謙其字也襲爵三等子雍正八年  
以侍衛授直隸固關營參將出征北路鄂爾坤乾隆八  
年授福建延平協副將擢雲南楚姚蒙景鎮總兵官以  
疾致仕行抵長沙卒于館有子大用尙幼乾隆二十八  
年襲爵今官至浙江提督初公娶高夫人雍正十三年  
卒時公方有事于北路殞夫人于寧夏地震遂改葬焉  
繼室曰惠夫人生女一側室曰李夫人生大用夫人清  
苑人兩夫人賢克撫孤以長以教底于大成大用不知  
其孰爲所生也大用旣貴疊遇

覃恩兩夫人皆

誥封子爵一品太夫人孫三均坊壻公生于某年月日  
終于某年月日年若干歲惠太夫人生于某年月日終  
于某年月日年若干歲李太夫人生于雍正丁未年七  
月二十六日終于乾隆戊申年二月四日年六十有四

先是大用既合葬公暨惠太夫人于長安旋拜提督浙  
江之

命入 覲以寄葬父母于陝故陳奏

上曰陝甘一省無不可也某年月日祔葬李太夫人于  
公墓銘曰

公侯之孫忠孝家大江西湖河流遐長安每每麟辟邪  
松根伏苓藏孔佳

宗人府府丞曹公墓誌銘

珪聞慕堂先生之赴既悲老成同志之凋謝而編修錫  
齡昆季以書來請爲誌銘珪不得辭公曹姓諱學閔字  
孝如慕堂其號也山西汾陽人曾祖復琦祖應璽父曰  
英皆以公貴

誥贈中議大夫太僕寺少卿加一級曾祖妣靳祖妣司  
樊母王皆

誥贈淑人兄弟四人公居次三友于兄弟命錫齡以其  
官馳贈兄學曾爲翰林院庶吉士又馳贈兄學思爲翰  
林院編修命祝齡爲弟學雍後公幼多奇兆乾隆六年  
辛酉舉于鄉會試報罷游江浙名山水歸而設教里中  
勵志講學甲戌成進士改庶吉士庚辰散館授檢討充  
武英殿功臣館纂修官辦翰林院事二十九年授河南

道監察御史三十三年遷刑科給事中歷巡視西南北  
城己丑充會試同考官三十五年轉吏科掌印給事中  
公爲言官條奏事皆體要可施行三十七年授光祿寺  
少卿明年遷通政使司參議擢太僕寺少卿甲午充順  
天鄉試同考官四十一年稽察右翼覺羅學四十三年  
以復申舉人會試請由州縣達部擢部議降三級四十  
五年補鴻臚寺少卿前後扈

駕熱河

召見垂詢

上知公樸誠也四十八年遷內閣侍讀學士甲辰充武

知是齋文集卷四

六

會試同考官先是公爲御史上言宜考古制建辟廱于  
國子監部議未行至是會

天子將臨雍發

睿思

命大臣規濬園水禮樂備舉

上憶及前奏

特旨嘉獎曹學閔能獨抒所見其建白亦不可沒有缺  
卽請旨陞用眞異數也五十年正月預 乾清宮千叟  
宴

恩賜便蕃五十一年正月超擢宗人府府丞復

命稽察右翼覺羅學是時公子錫齡在翰林有聲方督學雲南祝齡孝廉侍左右初公起家寒素以開濟自許與人交上下剛柔動靜無所不當時地利病口辨手畫井井有條目可措置雖富貴儉約如諸生及年過六旬反而講求性命之學泊然宵默幾于靜得公與先兄竹君同年進士與珪同館居同巷晚而交益摯每淡夕來危坐相對間則邀予至其齋疏食清談蓋不愧素心晨夕者孳孳爲善不倦修山右三忠祠宣武門外椒山先生故宅祠及三晉會館南新門外義園永定門外掩骼會皆躬親襄舉擘畫可垂久性既恬淡官宗丞之年十

月以上氣疾奏請解任調理奉

旨准以原品休致明年春錫齡自滇歸公饒道士院課孫養性手書寄珪猶以精進相勸所著詩文彙藏于家晚作多心得近道者是冬感風寒疾端坐而逝蓋乾隆五十二年丁未十二月八日丑時也生于康熙五十八年己亥十二月十三日子時年六十有九配同縣任淑人白首相賓有內則子五成者二錫齡乾隆乙未進士翰林院編修記名御史祝齡庚寅舉人議敘知縣爲叔父後孫八汝淳汝瀾汝淵汝沆汝洵汝涵汝藻汝淳女一女孫五某年月日葬于某所銘曰

木之材爲杗爲舟木之神宜山宜邱材于人乎有益而無害神反其天乎與造物者遊是一非二吾以咨莊周

### 鄭敬夫墓誌銘

蕭山鄭君豹文館予冠山伯兄家間借予插架通志堂經解日夜手鈔不輟予心嘉其耆學之勤也聞其尊人敬夫先生病而好學齋志以歿其母吳孺人教其子尤切君既發科而有志于古蓋能善體親志者已而聞赴歸將合葬其父母而泣請予爲銘曰不孝不獲顯揚表彰吾親然得立言之君子爲闡其幽光則是吾親可不朽于九原而不孝之罪稍釋君鄭姓諱崇禮字敬夫其

先由遂安遷蕭山居城中曰鄭家街父斯美貶贈修職郎山東兗州府經歷母沈孺人生子三君其長也幼讀書患痰喘疾及壯而劇間旬日則發發卽上氣不得息旣喪二親孺慕夢中嘗呼父母不絕聲妻吳氏同縣人善事夫子調養其疾病無怠有子三而督其次子豹文讀書以繼父志先生年五十而卒卒後十八年而豹文舉于鄉其母曰汝父不獲見汝之捷然汝無以是爲足慰汝父也汝家先人東明公所著見聞日錄嘉言懿行具在汝以是爲師則足以慰汝親矣豹文識之不敢怠又十年而吳孺人以疾終年七十有五先生生于康熙

五十二年六月四日午時卒于乾隆二十五年二月二  
日辰時孺人生于康熙五十一年十月二十九日戌時  
卒于乾隆五十一年八月十一日子時子嘉謨江西大  
庾縣小溪驛驛丞豹文乾隆丁酉科舉人樂武先卒女  
二孫四耀宗嶽宗敦宗聯宗孫女六某年月日合葬于  
某銘曰

寧移山而搢搢毋握苗而本厯鄭君有後勤矻矻爲菑  
爲畬興也勃有如不信視此碣

武定府知府徐君墓誌銘

君諱觀孫字用賓號雪崖徐姓初自越北遷京師爲宛  
平人家于天津考諱某候選州同贈朝議大夫君其長  
子也年十四妣王恭人卒十八入府學廿七舉雍正乙  
卯科鄉試乾隆八年以知縣揀發廣東借補電茂場鹽  
課大使充癸酉科鄉試同考官任滿舉最丁父及繼妣  
胡恭人憂服除廿五年補廣西恭城縣知縣兼署平樂  
府同知暨平樂縣事呈吏議引

見仍以知縣用揀發福建署永福惠安二縣及汀州府  
同知事補連城調漳浦卅三年三月縣民盧茂謀作亂  
君先期揆知賊要害督兵役往扼之賊旅拒用鎗暗賊  
三十三人擒其魁鞠餘黨爬梳滌穢甦梓刷翻全活者

無算民有畏辜絕姻者廉其情卽與胖合是役也君能  
鋤惡于芽而無滋蔓

天子耀之有

旨送部引

見擢同知未浹日授廣東惠州府知府異數也後任山  
東武定府四十九年年七十有七致仕明年與于叟宴  
拜

賜如例五十三年六月二十七日壽終于家年八十娶  
陸恭人繼娶趙恭人子三如源河南開封府同知如灝  
以州同借補揚州府經歷汝瀾乾隆庚子科進士孫八

知是齋文集卷四

三

彙吉東理集岡榮符榮翰枋詔榮範楓蔚女二女孫四  
君之爲令于閩也予爲閩臬知君能其官及君平漳浦  
之亂適予司臬湖北治荆門州孫大有獄與閩同日予  
有姑之子許廷基在君幕中爲予道其事頗詳以是知  
君賢君之子如灝使來告哀且請爲銘不獲辭某年月  
日葬君子某銘曰

薤菴不興尹之能老守治郡去有聞大年陪敦蕃子孫

內閣典籍

誥封榮祿大夫尹公墓誌銘

松皋先生考終之明年春其孤閣學公致書于珪曰壯  
圖不祿喪我先大人惟銘幽之詞非公莫光敢泣請珪

與先生父子前徵國館翰林與閣學公同官者三年而先生爲竹君先兄鄉會同年友故珪知先生稍詳不敢辭先生諱均字佐平號松皋尹爲周之著宗本河南懷慶人前明有諱革者官給諫抗疏謫雲南太和丞子孫遂籍蒙自數傳至諱文熾康熙丁卯舉人兵部主事爲先生祖諱宗梁康熙丁酉舉人廣西桂林府同知爲先生考後皆以閣學公貴

誥贈如其官桂林公娶王夫人有五子先生次三性專一耆學桂林公教之嚴每日午刊綫香灼之試文一篇必成成必當公意年十九入學明年以第一人補廩屢

見知于學使者桂林公欲試以事治宅使督作者先生挾一編讀其側公笑而不怪也桂林公病瘡先生侍疾日夜甚勤叩額籲天血被面不知既喪父殯于松皋其地去城六七里晨則歸侍母夕則往寢于殯廬三年無間故自號曰松皋居士乾隆十八年舉癸酉科鄉試明年甲戌成進士改庶吉士丁丑散館歸班援例改內閣中書奔母喪偕伯兄增崎嶇歸歸而兄又卒哭之左目眚其廬母殯也如考將祔葬于白雲山大雷雨先生獨執紼哭不移次乃克葬歲丙戌壯圖成進士改庶吉士先生亦來京師己丑補官中書而壯圖改官部曹出入

則同一車先是珪與竹君兄同官翰林有兄弟同車之  
嘲然當時士大夫官京師者不炫耀車馬識者猶賢之  
四十年由典籍記名以主事用四十二年京察以年老  
罷是時壯圖己官御史三年矣遇

覃恩封先生如其官其後壯圖由太僕少卿超擢內閣  
學士扈

鑾蹕屢典鄉試五十年正月

天子開千叟宴于 乾清宮先生名入奏

上詢壯圖曰汝父年幾何壯圖謹奏曰七十

上微哂曰少朕三年不爲老也是時先生受榮祿大夫

知是齋文集卷四

三

一品封服其冠服入宴丹墀左翼鑱甚

恩賚便蕃觀者榮之先生性淡泊雅不自矜與伍夫人  
齊眉相莊日授諸子姪暨諸孫書或作制義自娛其同  
年老友間爲清讌皆呼爲太翁太翁云珪嘗會先生于  
曹慕堂宗丞家尊先生曰同官之父也先生遂巡執館  
閣後輩禮甚恭珪笑曰昔申徒嘉呵子產曰先生之門  
一而固有執政焉如此哉何如兩忘而以齒遂終食作素  
心談甚歡也先生畜德誠厚赴人之急不辭難故鄉黨  
甚德之乾隆五十二年九月朔以疾終于京邸其生以  
康熙五十八年八月十六日春秋七十有三配伍夫人

子五壯圖丙戌進士內閣學士兼禮部侍郎會圖增生  
全圖廩貢生慶圖健圖皆國學生女二孫十四佩珩佩  
環佩典佩恩佩璫佩弦佩宮佩箴佩炎佩銘佩鏘佩訓  
佩魚佩綬女孫九某年月日葬于某銘曰

盤盤雲龍淙淙黎江達流無涯孕靈信虬慶積厥家而  
昌于邦千秋茲原匹阡于隴

上書房行走禮部左侍郎加二級公墓誌銘

嗚呼珪何能銘吾師耶蓋自丁卯以來四十年門生勵  
有存者珪何敢辭公金姓諱姓字雨叔號海住先世由  
會稽遷杭爲仁和人曾祖諱明遇江南興化縣主簿祖

知不足齋叢書 卷四

三五

諱星瑞雲南師宗州知州考諱惠慶三世竝以公貴

誥贈榮祿大夫曾祖妣楮祖妣朱聞人妣嚴皆

誥贈一品夫人兄弟四人公次三行六伯諱虞康熙庚

子舉人歷湖北孝感山西蒲縣知縣所稱長孺先生者  
也長孺先生以文雄于浙長公二十有二年以兄兼師

及公學大成遂競爽焉年二十一應縣試冠其曹入仁  
和學爲諸生明年癸卯舉于鄉會試報罷歸益肆力于

經史自司馬遷以下諸史窮年點勘數番不輟旁及他

子集皆手錄考訂故其根柢之學莫邃焉歲戊申秋母

夫人感寒疾暴下殆甚公在外聞之狂奔歸中途顛天

願手寫華嚴經全部歸而母僵臥氣息縷縷公俯首入  
衾以口鼻熨其臍嘻呵之良久腹中有聲稍安眠乃投  
以藥竟愈于是日課手書經閱十二年而訖功其誠孝  
也公淹公車者二十年中間客游山東者久之歲甲寅  
丁外艱丁巳奔母夫人喪力疾行抵臨津挈囊趁舟躡  
折一齒困甚時長孺先生自孝感歸卜葬考妣得吉壤  
于南山之普福嶺乾隆六年秋以錢塘梁文莊公薦授  
國子監學正明年壬戌會試中式第一人闈卷進 呈  
上屢稱可之 殿試一甲一名進士及第授職修撰甲  
子主廣東鄉試乙丑散館一等一名教習庶吉士丁卯

充順天鄉試同考官珪卷出公房既定第六名撥入湯  
葯岡先生房先生爲公壬戌同榜揆花郎寓橫街與公  
對門珪謁葯岡先生曰子固我同年金海住所薦也當  
謁金師珪卽夕謁公公進而教之甚至明年夏署

日講官起居注又明年遷右贊善尋轉左十六年實充  
講官興縣孫文定公奏充 御纂詩經館纂修壬申

副漳浦蔡葛山先生典江西鄉試是夏六月

御試翰詹二等擢左庶子冬授侍講學士明年癸酉主  
山西鄉試甲戌充會試同考官奉

命督學安徽公校士公勤竟日坐堂皇披閱巡行士習

帖然任滿二十二年奉

旨枉 上書房行走冬授詹事府詹事自是直講席者十七年直諒誠敬所陳說必正義法語于學行根本尤惓惓三復以是 諸皇子 皇孫皆心重公公之品學真不愧是選也乙酉奉

命督學江西請假由浙展墓乃赴任明年授內閣學士又明年擢禮部左侍郎三十七年奉 使祭告南海時公子三吾作令于粵東得侍左右公扈

駕謁

秦陵暨

知是齋文集卷四

七

南巡者各一木蘭者七賡歌之作成帙三十八年五月當從

蹕熱河邁疾仆于直次諸城劉文正公以 聞

予假秋九月奏請解任得

旨准其回籍調理明年秋疾瘥乃得出都 諸皇子

皇孫及同直同朝諸公皆贈以詩歌比之二疏有餘榮

焉丁酉入京謁

孝聖憲皇后梓宮再詣 書房與 諸皇子 皇孫執

手相勞

上賚大緞

命卽歸越二年撫臣奏主數文書院講席四十五年

上五幸浙江迎送

駕問賜有加于是講課之暇常羊湖山與錢嶼沙方伯  
吳崑田編修諸公皆幡然達尊爲五老六逸會旬月無  
間賦詩談讌鄉黨望爲神仙珪己亥典閩試庚子視學  
于閩過杭再謁公公偕顧河干先生飲珪于西湖舟中  
神明纘密杖屨從容珪竊歎以爲非學養之深厚不能  
及也公生平廉儉方正處事無鉅細井井有法度詩文  
數千篇無體不具尤長于使事在直廬與陳勾山諸公  
倡和限險韻數十疊不懈益彊辛丑開八表作長律八

知足齋文集卷四

三

十一首該贍精警不減少壯性篤于孝友事兩兄暨一  
弟肫如也至于族戚年家若吉凶緩急謀之竭忠不愛  
己力其取受必以義雖一介不苟此珪所心折于吾師  
而亦非一人之私言也壬寅秋以疾考終公生于康熙  
四十一年壬午八月十五日亥時終于乾隆四十七年  
壬寅七月九日寅時壽八十有一配王夫人先公卒

誥贈一品夫人繼室胡夫人

誥封一品夫人治家協德乾隆五十三年五月八日壽

終年八十有五子三三事先公卒三吾乾隆丁酉科舉

人廣東四會縣知縣候選郎中三俊太學生議敘鹽大

使女子四長適國子監學錄王君喆次適吏部文選司  
主事汪君孟錫其次子修撰如洋庚子會試 殿試皆  
第一克繩公武云次適泰州運判姚君思康次適監察  
御史汪君日章孫男二萼密孫女六某年月日合葬于  
某銘曰

斗魁戴匡厥象正方公秉其氣不嚴而莊讀書萬卷老  
而不怠引年考造湖山輝光有老門生校文公鄉銘公  
冢石擲筆涕洟

太僕寺少卿加三級戴公墓誌銘

乾隆丙午秋珪與戴編修心亨典江南鄉試爲心性交

知是齋文集卷四

五

先是壬午主江南試者君之父篋圃先生最稱得人庚  
子君之季父編修均元癸卯君之弟修撰衢亨相繼司  
衡與君而四天下豔稱之越戊申君卒于湖北學政任  
珪聞而悼歎若失今年夏篋圃先生率修撰君扶彭夫  
人之喪過浙予逆之于北關舟次閏五月九日先生移  
館于江頭以疾終于旅次予往弔之修撰君泣請銘不  
得辭案狀先生諱第元字正宇號篋圃考曰玉菴府君  
妣溫太夫人初由徽州遷江西大庾縣水城孝友坊生  
而穎悟絕人年十三入縣學二十有六癸酉舉鄉試甲  
戌中明通榜選興安縣教諭丁丑成進士改庶吉士庚

辰授編修壬午副錢侍郎汝誠主江南試所取多讀書  
窮經之士如江筠戴震者癸未充會試同考官乙酉典  
山西鄉試丁亥授江南道御史巡視北城戊子視學湖  
北辛卯丁父憂服闋甲午補掌四川道御史巡視申城  
乙未轉掌江南道御史陞戶科給事中丁酉轉禮科掌  
印京察一等巡視南城典湖北試巡南漕戊戌次子  
衢亨殿試第一人是時君弟均元與兩子皆入翰林  
一家四人爲詞林增典故焉是冬奉命視學安徽明年陞光祿寺少卿晉太常寺少卿壬寅  
丁溫太夫人憂服闋乙巳補太僕寺少卿丙午以疾致

知是齋文集卷四

仕戊申彭夫人卒夫人同里生以勤儉操作相夫窮達  
如一教子嚴皆成大名晚精持誦梵典明年極過杭先  
生卒修撰君暨兄子嘉穀扶先生夫人之喪反葬于江  
西先生起家寒素兄弟父子鏗振清華遞持文枋以根  
柢淵源之學提倡羣雅而先生爲之杓首其貌溫溫劬  
劬望而知爲長者長君齋心淨業先生晚而證道孳孳  
日進惜乎未竟其志年逾耳順而遽長逝也先生生于  
雍正戊申六月五日卒于乾隆己酉閏五月九日年六  
十有二夫人生同年月其日二十有六卒前先生一年  
十二月十四日年六十有一子二心亨乙未科進士翰

林院編修直 上書房先卒衢亨戊戌科一甲一名進士翰林院修撰 文淵閣校理直軍機處山西學政孫嘉穀女四女孫四某年月日合葬于某銘曰

德勝著漢經盈籛先生嚮龍世蓬瀛業自有子珠光熒厥季實大方開英看植華表雙翥丁

誥封朝議大夫王涵齋先生墓誌銘

乾隆庚戌余主會試榜發得無錫王生寰 廷試引

見分發江西以知縣用生來謁曰寰有父年九十餘矣寰將乞終養又曰寰有叔父年八十與吾父杖几相從鄉人皆稱仁山涵齋兩先生歸然二老也是秋余奉

命撫皖時則寰之從兄侍御寬方主講敬數書院相得甚歡及冬侍御告歸余畱之慨然曰吾弟舍祿仕而歸養安有違八旬老父而館于千里之外者哉吾將授徒鄉里以娛二老可矣余以其辭義甚正不可固畱惘然送之行又羨其兩世孝友不可及也今年夏侍御來皖請銘乃歎老成先後凋謝尤可感也案狀公諱千仞字啓丹晚號涵齋先世本江西裘姓明初有名昇字思裘者後于王始遷無錫遂爲王氏世家考諱繩曾雍正庚戌進士歷揚州江寧二府儒學教授配顧恭人生二子長仁山先生公其仲也爲諸生有聲諸鉅公皆待以國

士以經義教授弟子尤長于詩所著有詩比義述若干卷與伯兄齊名老于南北闈者三十年及侍御昆季先後成進士人以爲二老窮經績學之報也侍御官甘肅公就養吟詠尤富及配秦恭人先逝歸而與仁山先生爲鄉社耆宿常羊于古華梁溪間者十餘年嘉慶二年丁巳十一月十七日夜半無疾而逝年八十有九生于康熙四十八年己丑正月二十二日丑時

誥封朝議大夫兵部職方司郎中加一級配秦封恭人子寬乾隆丙戌進士歷官兵部武選司主事員外郎職方司郎中浙江道監察御史武庫司主事己亥科廣西

知不足齋文集卷四

三

副考官甘肅狄道州知州調署秦州女一適同邑諸生秦震清孫三保謨殤保訓保誠女孫二曾孫二令儀惠華卜于嘉慶三年十月七日合葬于景雲鄉祖墓之右

銘曰  
經之鋤厥子畬古華二皓相友于壺中橋中脫屣俱于  
秋狎鶴盤松榆

